



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax: +387 33 726 423
e – mail: info@voda.ba

Broj: **UP-1/21-3-40-577-7/23**

Datum: **19.02.2024.**

«Agencija za vodno područje rijeke Save» Sarajevo rješavajući po zahtjevu pravnog lica JP «KOMUNALNO» d.o.o. Žepče za donošenje Rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta kotlovnice za daljinsko zagrijavanje stambenih i poslovnih objekata u Žepču, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, JP «KOMUNALNO» d.o.o. Žepče daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta kotlovnice za daljinsko zagrijavanje stambenih i poslovnih objekata u Žepču, izgrađenog na zemljištu označenom kao k.č. broj 238/2 K.O. Žepče-grad, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 31.05.2026. godine završe radovi na na prikupljanju, tretmanu i ispuštanju onečišćenih voda sa deponija uglja i šljake, uključujući i vanjsko uređenje, a sve prema urađenoj investiciono-tehničkoj dokumentaciji „Glavni projekat-vanjsko uređenje i unutarnje i vanjske hidroinstalacije – kotlovnica za daljinsko zagrijavanje stambenih i poslovnih objekata u Žepču broj: 36-IB-G/20, juli 2020., urađen od «IBIS» d.o.o. Zavidovići”, kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Iznalaženje finansijskih sredstava za izvođenje potrebnih zahvata	-	31.12.2024.
2	Izrada separatora masti i ulja	8.500,00	30.04.2025.
3	Izrada cjevovoda od separatora ulja do rijeke Bosne	1.000,00 KM	30.04.2025.
4	Obnova olučnih horizontala i vertikala	2.500,00 KM	30.06.2025.
5	Izrada cjevovoda od olučnih vertikala do taložnika 2	2.000,00 KM	31.08.2025.
6	Sanacija sanitarnog čvora	4.000,00 KM	30.07.2025.
7	Izrada kanala sa rešetkom i slivnika	9.960,00 KM	31.10.2025.
8	Povezivanje rešetki i slivnika sa taložnikom 2	5.000,00 KM	30.11.2025.
9	Asfaltiranje dijela platoa koji je betoniran	46.584,00 KM	30.04.2026.
10	Priprema i asfaltiranje dijela platoa koji nije betoniran	49.680,00 KM	31.05.2026.

- 2.3. Da korisnik predmetnog objekta, za vrijeme trajanja ove dozvole, a nakon završetka radova predviđenih projektnom dokumentacijom, obezbjeđuje da se onečišćene vode sa saobraćajnih, radnih i manipulativnih površina, odnosno sa deponija uglja i šljake, nesmetano sakupljaju i odvođe do objekta predviđenog za tretman (taložnik i separator masti i ulja), a zatim ovako tretirane vode ispuštaju u rijeku Bosnu.
 - 2.4. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode koje nastaju objektu kotlovnice, nesmetano sakupljaju i odvođe u taložnik, a zatim ovako tretirane vode ispuštaju u gradsku kanalizaciju kojom upravlja podnosilac zahtjeva.
 - 2.5. Prečišćene tehnološke i oborinske onečišćene vode moraju ostati u maksimalno dopuštenim granicama definiranim Prilogom 17 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 63/22).
 - 2.6. Objekte čija je svrha odvođenje i prečišćavanje tehnoloških i oborinskih onečišćenih otpadnih voda (taložnici, separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj broj 14/10, 14/13, 26/14, 23/17 i 41/20).
 - 2.8. Talog iz separatora, kao i ostali opasni i neopasni otpad, se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

Obrazloženje

Pravno lice JP «KOMUNALNO» d.o.o. Žepče, dana 18.12.2023., podnijelo je zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta kotlovnice za daljinsko zagrijavanje stambenih i poslovnih objekata u Žepču, izgrađenog na zemljištu označenom kao k.č. broj 238/2 K.O. Žepče-grad, općina Žepče.

U provedenom postupku dostavljena je i pregledana sljedeća dokumentacija:

- Kopija Rješenja o upisu subjekta upisa u sudski registar broj: 043-0-Reg-06-001114 od 19.09.2006. izdatog od Općinskog suda u Zenici,
- Kopija Aktuelnog izvoda iz sudskog registra broj: 043-0-RegZ-23-001212 od 03.05.2023. izdatog od Općinskog suda u Zenici,
- Kopija Uvjerenja o poreznoj registraciji izdatog od Porezne uprave FBiH-Kantonalni ured Zenica od 25.10.2006.,
- Dokaz o uplaćenju upravnoj taksi,
- Kopija Odluke Općinskog vijeća Žepče od 31.10.2019. godine objavljene u Službenom glasniku Općine Žepče o prijenosu na upravljanje i gospodrenje infrastrukturnih objekata JP „KOMUNALNO“ Žepče,
- Kopija Rješenja o odobrenju za uporabu (rekonstrukcija kotla KL-100 izgrađenog u krugu preduzeća i rekonstrukcija centralne energane i sistema centralnog grijanja) UP-I broj: 09-361-23/98/II od 04.12.1998. izdatog od Službe graditeljstva i prostornog uređenja Općine Žepče,
- Kopija Rješenja o odobravanju građenja UP-I-Broj: 03-19-2-1577/2023 od 30.08.2023. godine izdatog od Službe za graditeljstvo i prostorno uređenje Općine Žepče,
- Kopija Rješenja o okolinskoj dozvoli broj: 12-23-11241/19 od 20.01.2021. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-118-8/21 od 17.06.2021. izdatog od «Agencije za vodno područje rijeke Save» Sarajevo,
- Kopija Rješenja o prethodnoj vodnoj saglasnosti broj: UP-1/21-1-40-680-7/22 od 28.03.2022. izdatog od «Agencije za vodno područje rijeke Save» Sarajevo,
- Kopija Zapisnik o izvršenom konačnom obračunu i prijemu izvršenih radova – Rekonstrukcija gradske kanalizacijske i vodovodne infrastrukture u Žepču od 20.07.2023. godine,
- Izvještaj o rezultatima ispitivanja tereta zagađenja otpadnih voda za postrojenje gradske toplane JP „KOMUNALNO“ d.o.o. Žepče, izraženog preko EBS-a broj: 32/23, novembar 2023., urađen od «Inspekt-RGH» d.o.o. Sarajevo,
- Glavni projekat-vanjsko uređenje i unutarne i vanjske hidroinstalacije – kotlovnica za daljinsko zagrijavanje stambenih i poslovnih objekata u Žepču broj: 36-IB-G/20, juli 2020., urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uvidaju broj: UP-1/21-3-40-577-5/23 od 25.01.2024. godine.

Na osnovu dostavljene dokumentacije i pregleda objekta, ovaj organ je odlučio:

- Objekat kotlovnice je izgrađen u ulici Prva bb, u krugu bivšeg preduzeća KRIVAJA Zavidovići. Kotlovnica, odnosno instalirani parni kotao snage 6,3 MW, se koristi za daljinsko zagrijavanje stambenih i poslovnih objekata u gradu Žepču. Objekat se sastoji od objekta kotlovnice, depoa uglja, privremenog depoa šljake, vanjskih manipulativnih površina.
- Planirana je rekonstrukcija postojeće kotlovnice i prelazak sa uglja na bio gorivo. Projektna dokumentacija je u izradi. Za predmetnu aktivnost je ishodovano Rješenje o prethodnoj vodnoj saglasnosti od ove Agencije.
- Voda za potrebe kotlovnice se obezbjeđuje putem priključka na gradsku vodovodnu mrežu, kojom upravlja podnosioc zahtjeva. Voda za potrebe kotlovnice se priprema. U omekšivačima vode punjenim regeneracijskom smolom se dodaje sol za omekšavanje. Omekšivači su opremljeni filterima sa izmjenjivim ulošcima.
- Šljaka se hladi u namjenskim kadama ispunjenim vodom. Ohlađena šljaka se privremeno skladišti na lokaciji, te povremeno odvozi na deponiju koja se nalazi izvan kruga predmetnog pogona. Tehnološke otpadne vode iz kotlovnice (voda iz kada za hlađenje šljake i vode od periodičnog ispuštanja vode iz sistema i kotla) se, nakon tretmana u novoizgrađenom taložniku, ispuštaju u novoizgrađeni kolektor gradske kanalizacije kojom upravlja podnosilac zahtjeva.
- Oborinske vode sa radnih i manipulativnih površina, kao i vode sa betoniranog prostora koji se koristi kao depo za ugalj se slobodno slijevaju na okolni teren.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-118-8/21 od 17.06.2021. sa rokom važenja do 19.12.2023.
 - Uslov naveden u tački 2.4. naprijed navedenog Rješenja je ispunjen, odnosno izveden je taložnik za tretman tehnoloških otpadnih voda iz kotlovnice, te izveden priključak na gradsku kanalizaciju.
 - Radovi predviđeni projektnom dokumentacijom i definisani tačkom 2.3. Rješenja o vodnoj dozvoli nisu realizovani u potpunosti, odnosno izgrađen je taložnik za tretman oborinskih onečišćenih voda. Nisu izvedene slivne rešetke i kanizaciona mreža, separator masti i ulja, te uređenje platoa za ugalj i šljaku.
 - Za radove na vanjskom uređenju, unutrašnjim i vanjskim hidroinstalacijama je od Službe za graditeljstvo i prostorno uređenje Općine Žepče ishodovano odobrenje za građenje UP-I-Broj: 03-19-2-1577/2023 od 30.08.2023. godine.

Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-577-5/23 od 31.01.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 2.2. Rješenja o vodnoj dozvoli broj: UP-I/25-3-40-118-8/21 od 17.06.2021. Podnosioc zahtjeva je dana 05.02.2024. putem mail-a, te dana 09.02.2024. godine putem pošte dostavio traženi dinamički plan sa spisikom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 2.2. ovog rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju svih radova predviđenih dostavljenom projektnom dokumentacijom (Glavni projekat-vanjsko uređenje i unutarnje i vanjske hidroinstalacije – kotlovnica za daljinsko zagrijavanje stambenih i poslovnih objekata u Žepču broj: 36-IB-G/20, juli 2020., urađen od «IBIS» d.o.o. Zavidovići) je 31.05.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 2.2. dispozitiva.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 2. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH”, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH” broj 46/07).

Na osnovu provedenog postupka konstatuje se da je pravno lice JP «KOMUNALNO» d.o.o. Žepče ispunilo minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta kotlovnice za daljinsko zagrijavanje stambenih i poslovnih objekata u Žepču, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-577-3/23 od 19.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.inž

Po ovlaštenju:
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP «KOMUNALNO» d.o.o.
Željeznička 3, 72230 Žepče
- AVP Sava, ISV-vodna knjiga
- sektor 50
- ☒ sektor 40 – arhiva
- oglasna ploča – AVP Sava